

四庫全書

經部

欽定四庫全書

詩緝卷二十二

宋 嚴粲 撰

谷風之什

小雅

谷風刺幽王也天下俗薄朋友道絕焉

伐木之化行則民德歸厚故以俗薄道絕刺其上也

習習谷風

解見邶谷風

維風及雨

錢氏曰人行于道遇連續之風又加以雨喻事變之

小○今日風雨及頽皆喻恐懼

將恐將懼

箋曰將且也

維予與女

音汝將安將

樂

音洛

汝轉棄予

興也來自大谷之風大風也盛怒之風也又習習然  
連續不斷繼之以雨喻連變恐懼之時猶後人以震  
風凌雨喻不安也當處變之時且恐且懼維予與女  
同其憂患及得志之後且安且樂女反棄我交道薄  
矣○舊說谷風為生長習習為和調今考二章言維  
風及頽頽暴風也非和調之類三章言草木萎死無  
生長之意其說難通矣

習習谷風維風及頽

徒雷反○曰頽風之從上而下者也

將恐將懼寘予

于懷

寘音至○箋曰寘置也

將安將樂棄予如遺

箋曰如人行道遺忘物忽然不

省存也

頽暴風也不斷之風又加以暴風喻事變益甚恐懼

之時則置我於心而不忘安樂之時則棄我如遺物

不復省存也○釋天云焚輪謂之頽扶搖謂之焱郭

璞云焱暴風從下上也頽暴風從上下也傳以頽為

相扶而上以焱釋頽誤矣

習習谷風維山崔嵬

音推詭○崔嵬解見周卷耳○補傳曰谷風迅暴甚矣維其崔嵬獨

存耳喻亂之極

無草不死無木不萎

音威○李氏曰萎衰落也○錢氏曰草木皆萎死喻

事變之大忘我大德思我小怨

大風摧物維戴土之石山崔嵬獨存而其山之草木  
無不萎死矣喻大患難也此時賴朋友以濟今豈可  
忘我共患難之大德而思我小怨乎

谷風三章章六句

蓼莪

音六鵠

刺幽王也民人勞苦孝子不得終養爾

養音康○

箋曰不得終養者二親病亡之時時在役所不得見也  
○李氏曰歐陽氏以鄭說為滯泥之甚然觀此詩之言  
出則銜恤入則靡至則是言孝子行役而喪親之所作  
也○朱氏曰晉王裒以父死非罪每讀詩至哀哀父母  
生我劬勞未嘗不三復流涕受  
業者為廢此篇詩之感人如此

孝子行役而喪其親故寫其中心之哀千載之下讀  
之者猶感動也

蓼蓼者莪

傳曰蓼蓼長大貌○今日蓼彼蕭斯○郭璞

曰莪莪蒿也亦曰蘆蒿○菁菁者莪傳曰莪  
蘿蒿也○釋草曰莪蘿○陸璣曰生澤田漸洳之處葉  
似邪蒿而細科生三月中莖可生食又可蒸香美味頗  
似萹蒿○山陰陸氏曰一名角蒿也字說云  
莪以科生而俄莪俄而蔚直蔚蔚而莪細

匪莪伊蒿

呼毛反○釋草曰蒿歆歆去刃反○山陰陸氏曰晏子云蒿草之高者也父治也蒿亂也莊子云是其於辯也將妄鑿垣牆而殖蓬蒿也蓬蒿以言穢亂管子云嘉穀不生而蓬蒿藋莠茂

哀哀父母生我

劬勞

卽凱風傳曰  
劬勞病苦也

興也始生為我長大為蒿我至蓼蓼然長大之時則非我矣乃蒿也其始為我猶可食其後為蒿則無用喻父母生長我身至于長大乃是無用之惡子不能終養也此孝子自怨其身之辭也與凱風言棘非美材僅堪為薪之意正同哀傷乎父母生我劬勞病苦

無以報之也○釋草曰繁之醜秋為蒿釋云醜類也  
言繁蕭蔚莪之類春始生氣味既異故其名不同至  
秋老成則皆蒿也此說莪蒿甚明以莪形蒿莪美而  
蒿惡莪始生香美可食至秋高大為蒿則麤惡不可  
食故菁莪以喻人材而蒿止為鹿食也舊以蒿為青  
蒿蒿類甚多此泛言蒿耳何知為青蒿乎

蓼蓼者莪匪莪伊蔚

音蔚○曰蔚馬薪蒿也蒿之尤麤大者也○釋草曰蔚牡蒿○郭璞

曰無子者故云牡蒿○陸璣曰三月始生七月有花似胡麻花而紫赤八月有角角似小豆角銳而長一名馬



薪蒿○山陰陸氏曰薪大於蒿  
哀哀父母生我勞瘁

詩人取義多在首章至次章則變韻以成歌此舉蔚  
以言蒿之麤大耳猶王風揚之水一章言戍申二章  
三章言戍甫戍許借甫許以言申止是戍申不戍甫  
許也

鮮之罄矣

鮮音萍易井卦作瓶罄音慶○傳曰罄盡也

維蠱之恥

蠱音雷○傳曰鮮小

而蠱大○疏曰蠱形似壺大者受一斛

鮮民之生

鮮上聲○傳曰鮮寡也○今日單獨之民謂無

也父母

不如死之久矣無父何怙

胡之

無母何恃出則銜

恤箋曰恤憂也入則靡至箋曰靡無也

鉶以汲水壘以盛水鉶小喻子壘大喻父母鉶汲水以注於壘猶子之養父母鉶罄竭則壘無所資為壘之恥猶子窮困則貽親之羞也故歎父母既死身為單獨之民雖生不如死之久矣痛切之言也無父何依怙無母何所倚恃出則銜憂抱終天之恨入則靡至無所歸投故生不如死也○井卦言羸其瓶揚雄酒箴以鴟夷嘲瓶柳子厚瓶賦以瓶嘲鴟夷蓋鴟夷

盛酒器鉶汲水器也壘之用不一周禮鬯人社壘用

大壘

壘音位

則盛鬯也司尊彝祠禴嘗烝皆有壘及詩

卷耳酌彼金壘皆盛酒也儀禮壘水在洗東則盛水也此以鉶壘並言則指壘之盛水者

父兮生我

箋曰本其氣也

母兮鞠我

鞠音菊○傳曰鞠養也

拊我畜我

拊音

撫畜許六反○長樂劉氏曰防其驚也則拊之○朱氏曰畜亦養也

長我育我

長音掌○釋文曰育

養也顧我復我

箋曰顧旋視也復反覆也䟽曰顧謂去之而反顧也○丘氏曰復反覆不能暫捨也

出入腹我

箋曰腹懷抱也○䟽曰謂置之懷抱也

欲報之德昊天罔極

罔極

解見  
衛氓

鞠畜育皆養也所從言之異耳父生母鞠此總言我  
身是父母所生養下乃詳言父母之恩勤也拊謂以  
手摩拊其首而防其驚是初生之時初生而言畜養  
謂乳之也長謂養之稍長則能就口食矣稍長而言  
育養謂哺之也已而行戲於地父母或去之則回首  
以顧視之復謂顧之又顧是反覆不能暫捨愛之至  
也在家容其行戲或自內而出外或自外而入內未

可令其自行則抱之於懷此曲盡父母愛子之情也  
父母之恩如此欲報之以德而父母之恩如天之無  
窮不知所以為報也今我不及報之痛當奈何也嗚  
呼讀此詩而不感動者非人子也

南山烈烈

王氏曰南山之氣烈烈○今日四月笺  
云烈烈猶栗烈二之日栗烈寒氣也

飄風

發發

飄入字從韻本注音飄○飄風  
解見匪風○傳曰發發疾貌

民莫不穀

箋曰穀  
養也

我獨何害

孝子行役念親之沒瞻南山之烈烈感飄風之發發

觸目皆悲傷也故歎民莫不得以養其父母我獨何為  
遭此害而不得終養乎

南山律律

王氏曰律律萃律之謂也萃在律反律音律

飄風弗弗

陳氏曰弗弗動貌

民莫不穀我獨不卒

子恤反○箋曰卒終也不得終養父母重自哀傷

蓼莪六章四章章四句二章章八句

大東刺亂也東國困於役而傷於財譚大夫作是詩以

告病焉

箋曰譚國在東魯莊公十年齊師滅譚杜元凱云在濟南平陵縣西南○疏曰譚大夫雖自為

已怨而王政大經偏東非譚獨然故言東以廣之

有饌簋殮

音蒙穴孫傳曰饌滿簋貌○疏曰禮之通例皆簋盛稻粱簋盛黍稷○傳曰殮熟食謂黍

稷也

○曹氏曰人旦則食飯夕則食殮蓋以水澆飯

有抹棘匕

抹音求匕音比○傳曰抹長貌匕所

以載鼎實棘赤心也○疏曰雜記云匕用桑長三尺鼎實煮肉也古之祭祀享食必體解其肉之胖既大故須

以匕載之載謂出之於鼎升之於俎也棘木赤心吉禮用棘雜記言用桑者謂喪祭也胖音判牲之半體

道如砥

音紙○疏曰砥謂礪石言其平也禹貢云礪砥砮丹○今日禹貢注砥細於礪皆磨石也

直如矢君子所履小人所視瞻言顧之

瞻音眷○傳曰瞻反顧也○解

見皇矣

潛焉出涕

潛音刪涕音體○傳曰潛涕下貌

興之不兼比者也周之盛時侯國富足其簋中之殮

矍然而滿其鬲有棘木之匕掾然而長此由周道如  
礪石之平如箭之直言賦役均也其在上君子則履  
行之不敢違異以過取其在下小人則瞻視之莫不  
仰望而依賴此事在上世已往矣今回首反顧之為  
之潛然出涕傷今不如古也

小東大東

今日小東大東止言小國大國之在東者

杼柚其空

杼除之上濁柚音逐○曹

氏曰杼梭也○說文曰杼持緯者○董

氏曰柚卷織者○朱氏曰柚受經者

糾糾葛屨

糾音九○

解見魏

可以履霜

桃桃○朱氏曰桃桃輕薄不耐勞苦之貌

行



彼周行

今從毛鹿鳴音如字舊音航○朱氏曰周行大路也○周行有考見卷耳

既往既來

使我心疚

音救○箋曰疚病也

言小國大國之在東者其杼柚皆空矣窮乏之甚有服弊壞之屨以繩糾纏之糾而復糾以履霜者乃佻佻然不耐勞苦之公子服之以行彼大路也公子服弊屨以履霜餘人可知矣奔走道路往而復來曾無休息不勝其勞使我心憂而疚病也

有冽洿泉

冽音列洿音穴○傳曰冽寒意也○有考見曹下泉○釋水曰洿泉穴出穴出反出也注

云從傍出也

無浸獲薪

獲音鑊○傳曰獲刈也

契契寤歎

契音棄徐音契○傳曰契

契憂苦也

哀我憚人

憚多之去徐音但○傳曰憚勞也

薪是獲薪尚可載也

哀我憚人亦可息也

興也獲薪以供爨必暴而乾之然後可用若浸之於寒冽之泉則濕腐而不可爨矣喻民當撫恤之然後可用若困之以暴虐之政則窮悴而不能勝矣故我契契然憂苦寐而寤覺之時為之嗟歎哀憐我東國勞苦之人也此薪既獲刈以為薪久浸則濕腐可惜

及今尚可載以歸而暴之可哀此勞苦之人亦可少

休息之也

東人之子

朱氏曰東人諸侯之人也

職勞不來

音賚○箋曰職主也○朱氏曰專主也○

傳曰來勤也○疏曰以不被勞來為不見勤采薇序云扶杜以勤歸

西人之子

傳曰西人京師人也

粲粲衣服

傳曰粲粲鮮盛貌

舟人之子熊羆是裘私人之子

傳曰

私人私家人也○疏曰謂本無官職卑賤之屬非家臣也○今日崧高遷其私人為家臣與此別

百僚

是試

傳曰試用也

或以其酒不以其漿鞞鞞珣

鞞玄之上濁珣音遂

○傳曰鞞鞞玉貌珣瑞也○箋曰以瑞玉為佩○疏曰禮以玉為瑞信其官謂之典瑞此瑞玉謂所佩之玉

不以其長

東國之人專主為勞苦而曾不被慰來以下國供賦役為當然不矜念之也西周之人方粲粲然鮮盛其衣服至於操舟者之子亦以熊羆為裘私家賤人之子亦皆試用而為官僚且東人困悴雖貴者猶葛屨以履霜而西人逸樂雖賤者皆美服厚祿言不均也賤人既為官僚我東人行役至周以其用事而致賂焉或有饋之以酒者彼不報之以漿酒猶禮之薄至

贈之以鞞鞞然之佩瑞可謂厚矣亦不待之以長遠  
暫時相悅旋復相背言東西之人不唯勞逸貧富之  
不均我東人於西人又往往禮之而不見荅怨之深  
矣

維天有漢

傳曰漢天河也  
○解見雲漢

監亦有光

監去聲○箋  
曰監視也

跂彼

織女

跂音衆徐音起韻亦作企○傳曰跂隅貌○  
疏曰織女三星隅足星之跂然而成三角

終日

七襄

箋曰襄駕也駕謂更其肆也使旦至暮七辰辰一  
移因謂之七襄○今曰鄭大叔于田云兩服上襄

雖則七襄不成報章

傳曰不能反報成章也○疏曰織  
之用緯一束一去是反報成章今

織女之星駕**睨彼牽牛**

睨還之上濁○脫明星貌○釋天曰河鼓謂之牽牛○疏曰爾

雅以河鼓牽牛為一星李巡**不以服箱**

傳曰箱大車之箱也○疏曰大

車謂平地任載之車兩較之間謂之箱甫田云乃求萬斯箱書傳云長幾亢箱是車內容物之處較音角謂車

兩傍解見衛淇奥○丘氏曰服箱猶言駕車也

**東有啟明西有長庚**

傳曰日旦出謂明星

為啟明日既入謂明星為長庚庚續也○箋曰啟明長庚皆有昉日之名而無實光也○疏曰啟明長庚或一

星出東西而異名或二者別星未能審也○李曰啟明即是太白也長庚不知是何星毛氏云只是一星故後

世多用之亦以長庚為太白李白字太白白之生母夢長庚星因以為名韓退之詩云太白配殘月蘇東坡詩

亦云長庚至曉猶陪月觀此則是以長庚為太白也鄭漁仲乃謂啟明星金星長庚水星余在日西故日將出則

東見水在日東故日將沒則西見此詩曰東有啟明西有長庚則又似是二星不得渾為一也不如待知天文者而有揅天畢傳曰揅畢貌畢所以掩光也天畢畢星也載施之行音航○

也列

東人服役夜行不息仰見星漢而愬之於天曰維天有河漢其監視我而有光也我東國杼柚既空無布帛可輸矣但恐織女之星能織作以助供賦耳今織女三星跂然如隅自卯至酉凡歷七辰每辰一駕移而左旋似於織矣然織之用緯一往一來相反報而

成章織女之駕徒左旋而不返不能反報而成章也  
我東國輸載疲矣但恐牽牛之星能代我輸載耳今  
睨然而明之牽牛不能駕服大車之箱而輸物也我  
東國營作勞矣今東有啟明西有長庚虛言代日之  
光實不能助日為晝照我夜作也我東國供億竭矣  
但恐天畢之星能為我掩捕鳥獸以助供億今畢星  
掾然而長徒施於二十八宿之行列而已

維南有箕

朱氏曰箕星夏秋之間見於南方

不可以簸揚維北有斗

曹氏



曰斗七星○今日斗七星常見於北故曰  
北斗或以北斗為二十八宿之斗非也  
不可以挹酒

漿

挹音揖○傳曰挹斟也  
斟音拘○廣雅曰酌也

維南有箕載翕其舌

箋曰翕  
猶引也

○董氏曰箕四星二為踵二  
為舌踵狹而舌廣故曰翕

維北有斗西柄之揭

○董  
音挈

氏曰斗其方如斗且有  
柄垂而下揭故曰揭

箕星見於南方徒有箕之名不可以簸揚糠粃而輸

粟也北方有斗星徒有斗之名不可以挹酌酒漿而

供飲也我力竭矣而天不能助我供億何所從出哉

箕翕引其舌若有所噬而我東國實無物可噬箕亦

徒翕其舌而已斗西揭其柄若挹取於東而我東國  
實無物可挹斗亦徒揭其西柄而已始言民力已竭  
止恐自天而降耳猶言天雨鬼輸也終言罄盡無物  
雖天神下取亦徒然耳甚言其窮空也此所謂告病  
之辭○此詩其作於秋乎露漸為霜雲漢分明斗指  
西箕在南皆秋時也時唯畢未見因言星及之耳

大東舊七章章八句諸家分章不同今作六章  
四章章八句二章章十二句

四月大夫刺幽王也在位貪殘下國構禍

構古  
侯反

怨亂並

興焉

此詩憂世之亂韓詩止以為歎征役未盡詩意

四月維夏六月徂暑

李氏曰夏之四月六月也○傳曰徂往也

先祖匪人胡

寧忍予

此大夫夏初即有南國之役至於歲莫歷三時之久而未得歸故序其始末以為發端之辭言夏暑時也四月雖未甚熱已是夏矣豈可行役乎我以是月行

役至六月徂暑之時一夏冒涉暑途勞苦甚矣怨而無所歸咎曰我先祖非人乎何寧忍使我至此極也怨刺之深如此非止為行役也下章見之

秋日淒淒

音妻○朱氏曰秋日冬日猶云秋時冬時也○傳曰淒淒涼風也○淒淒考見邶綠衣

百卉具腓

卉音諱韻又音毀腓音肥○傳曰亂離瘵矣卉草也腓病也○箋曰具猶皆也

瘵音莫○丘氏曰離離散也○傳曰瘵病也

爰其適歸

詩記曰爰於也○朱氏曰爰家語作奚

傳曰適之也

首夏于役既而暑往今又轉而秋矣當秋之日淒淒

然有寒涼之氣百草皆被凋殘而腓病因以興時政  
之虐而民皆病也遭亂離之病於何所適歸乎謂今  
行役未得歸然內外皆亂不知何處是可歸之所也  
味此詩皆淒淒然憂亂之辭若止是行役之久未遽  
至怨刺之深如此

冬日烈烈飄風發發

飄如字從韻書本注音瓢見蓼莪○箋曰發發疾貌

民莫不

穀

箋曰穀養也

我獨何害

行役之久秋又轉而冬矣冬時烈烈而寒飄風又發

發而疾虐益甚矣民莫不得遂其安養而我獨何以  
遭此害乎言已被害尤甚也

山有嘉卉

箋曰嘉善也○錢氏曰卉草也通言之則草木皆卉也○李氏曰考工記言天下之大獸

五脂者膏者羸者羽者鱗者正猶此詩所謂嘉卉也

侯栗侯梅

箋曰侯維也

廢為殘賊

莫知其尤

箋曰尤過也

山有嘉美之草木是栗是梅也今其山廢為殘賊之  
地言斫伐其本根無復存留其地荒矣喻良民被殘  
賊至此不知其何辜也

相彼泉水

相去聲○箋曰相視也

載清載濁

朱氏曰載則也

我日構禍

箋曰

構猶合集也○今

曰合集猶言結也

曷云能穀

今曰穀養也與上文民莫不穀同

我視彼泉水猶有時而清有時而濁今我國乃日日

結禍猶水之無清時也行役之苦又遭時亂何由遂

其生養乎

滔滔江漢

滔滔音叨○傳曰滔滔大水貌

南國之紀

朱氏曰綱紀也謂經帶包絡之也

盡瘁以仕

瘁音萃○箋曰瘁病也○今曰盡其勞瘁也

寧莫我有

此大夫行役由西周至于南國因感江漢之水而惓

惓不忘於君言江漢之水滔滔盛大為南方之綱紀  
衆水聯絡而歸之猶王者為天下之宗臣子皆歸心  
也今我盡瘁以從仕而曾不有我使我久役於外不  
得朝見於王此大夫在外思君之辭也

匪鵑匪鳬

鵑音園字或作鵑音沿○鵑傳曰鵑鵑也○李氏曰若以為鵑鵑之鵑則無戾天之理

○疏曰鵑之大者又名鵑孟康漢書音義云鵑大鵑也○山陰陸氏曰鵑能食草似鴈而大黑色俗呼為皂鵑其飛上薄雲漢○為  
翰飛戾天匪鱣匪鮪

鱣音旃鮪音委○鱣鮪解

見衛潛逃于淵



我非如鵝鶩之能羽飛至天也我非如鱣鮪之能潛逃于淵也不能高飛遠逝必不免於世患矣

山有薺薺隰有杞桋

音夷本亦作薺○傳曰杞枸桋也  
攬音計○杞攬即枸也三杞考見

四牡○曹氏曰薺茅始生也○今  
曰抑靜女自牧歸薺之薺音題

君子作歌維以告哀

薺薺杞薺四物皆可食承上章欲逃世患之意思遁跡山林采草木而食之如伯夷食薺四皓茹芝之意作此詩歌以訴其哀其情迫矣○釋木雖有桋赤棘之文味此詩上下文意與薺薺杞並言當作薺也

四月八章章四句

北山大夫刺幽王也役使不均已勞於從事而不得養

其父母焉

養音樣○李氏曰北山大夫不當怨而怨夫子不刪之者蓋所以刺幽王也孔子云公則

說人上苟有均平之心則雖征役之重不以爲怨○補傳曰大東言賦之不均北山言役之不均○今日孟子云是詩也勞於王事而不得養父母也

後序與孟子之言合

陟彼北山言采其杞

李氏曰杞枸杞也○三杞考見四牡

偕偕士子

箋曰偕偕

同也士子已之屬也

朝夕從事王事靡盬憂我父母

役行而陟北山杞生可采矣以王事不可不堅固而  
貽親之憂謂父母憂已行役之勞感時物之變而思  
念父母也

溥天之下

溥音普○傳曰溥大也

莫非王土率土之濱

音賓○傳曰率循也

濱涯也○疏曰九州環海之濱是四畔近海之處

莫非王臣大夫不均我從事

獨賢

傳曰賢勞也

溥夫天下皆王土也循土地之岸濱除海水在外居  
其中者皆王臣也而於大夫不均平使我從事獨賢

勞也

四牡彭彭

音棚○傳曰彭彭然不得息○彭彭考見出車

王事傍傍

音緝○傳曰傍傍然

不得已○今日鄭清人駟介旁旁字異音義同

嘉我未老鮮我方將

鮮上聲○箋曰鮮善

也○傳曰將壯也

旅力方剛

傳曰旅衆也

經營四方

四牡彭彭然不得息王事傍傍然不得已其行役蓋

甚勞矣幸我未老而方壯衆力方剛強耳目聰明手

足輕捷尚可以經營四方也不然豈能當此勞苦乎

○秦誓旅力既愆夏氏解云衆力如目力耳力手足

力也或說旅為陳如陳力就列之陳然陳力方剛則不詞矣

或燕燕居息

傳曰燕燕安息貌

或盡瘁事國

盡瘁解見四月○今日市國從事於

國也或息偃在牀或不已于行

自此以下皆言役使不均也

或不知呌號

音豪○詩記曰號呌也或深居安逸或外之呌呌亦不知也

或慘慘劬

勞或棲遲偃仰

棲音西○李氏曰有棲遲於家而偃仰者

或王事鞅掌

鞅央之上

○傳曰鞅掌失容也○疏曰傳以鞅掌為煩勞之狀鄭以鞅如馬鞅之鞅掌以手執物○補傳曰鞅掌皆所以

拘物謂王  
事所拘也

或湛樂飲酒

湛樂音耽洛

或慘慘畏咎或出入風議

風音諷○王氏

曰出入風議親信而優游也○曹氏曰風議則任口舌而已

或靡事不為

北山六章三章章六句三章章四句

無將大車大夫悔將小人也

箋曰幽王之時小人衆多賢者與之從事反見諧害

自悔與小人並

無將大車

箋曰將猶扶進也○疏曰大車平地載任之車也其車駕牛

祗自塵兮

祗音

支○疏曰祗適也

無思百憂祗自底兮

底音抵○傳曰底病也

君子推輓小人小人既進則譖害於君子如人推輓  
大車大車既進則塵汙於人故君子悔之也小人進  
而害君子則可憂多端不必更思之是我自取其病  
悔無及矣猶今人言勿復更說是我誤也

無將大車維塵寘寘

平上二聲○朱氏曰寘寘昏晦也

無思百憂不出

于頰

頰之上○朱氏曰頰與頰同小

塵寘寘則為塵所昏可憂多端不必更思之終不能  
自明矣

無將大車維塵雖兮

雖音攤○箋曰雖猶蔽也

無思百憂祇自重兮

箋曰重

猶累也

塵雖蔽則小人之勢盛矣是其始將之之過也可憂多端不必更思之是我自累也

### 無將大車三章章四句

小明大夫悔仕於亂世也

歐陽氏曰大雅明明在下謂之大明小雅明明上天謂之

小明自是名篇者偶為志別爾

明明上天照臨下土我征徂西至于光野

光音求○傳曰光野遠荒



之地○疏曰

二月初吉

朱氏曰二月建卯月也○傳曰初吉朔日也○疏曰君子舉事

尚早故以朔為吉周禮正月之吉亦朔日也

載離寒暑

疏曰離歷也

心之憂矣其

毒太苦

大音秦

念彼共人

共音恭○丘氏曰共人謂溫恭之人指隱居不仕者也

涕

零如雨豈不懷歸畏此罪罟

音古○傳曰罟網也

此大夫征役至于歲莫而未得歸故呼天而訴之曰

明明上天照臨下土願見察也我征行徂往於西方

至於允野言其地之遠也自二月朔日始行離歷寒

暑言其時之久也心憂愁而未得歸其毒大苦矣仕

不得志故悔其出仕念彼溫共之人隱居不仕優游  
自適羨之而不可得故涕零如雨之多也豈不思歸  
乎畏王以刑罪網罟我也

昔我往矣日月方除

音筋○傳曰除除陳生新也○疏曰上云二月初吉故言除陳生新

謂二月也曷云其還

旋音

歲聿云莫

音暮○歲莫解見唐蟋蟀

念我獨兮我

事孔庶

箋曰庶衆也○朱氏曰身獨而事衆

心之憂矣憚我不暇

憚多之去

聲徐音但○傳曰憚勞也

念彼其人睠睠懷顧

睠音眷○睠解見皇矣

豈不懷

歸畏此譴怒

昔我往時日月方除舊生新二月初也今何時可以  
還歸乎歲已莫矣而未得歸也念我身獨而事衆是  
以此心憂愁勞憚在我而不遑暇也念彼共人睠睠  
然回首反顧恨不得從之俱隱也

昔我往矣日月方奧

音或○傳曰奧煖也○疏曰煖即春溫亦謂二月也

曷云其

還政事愈感

音足○箋曰愈猶益也○傳曰感促也

歲聿云莫采蕭穫菽

蕭解見蓼蕭菽解見小苑

心之憂矣自詒伊戚

箋曰詒遺也○傳曰戚憂也

念彼

共人興言出宿豈不懷歸畏此反覆

我何時可以還歸乎政事益以促急未有可歸之期  
今歲莫而采蕭穫菽矣歲窮則行人念歸也我仕非  
其時自遺此憂戚念彼隱居之人欲起而出宿於外  
以往從之我豈不思歸乎然畏此反覆而不敢去也  
反覆謂幽王賞罰無常也

嗟爾君子無恒安處

恒音衡處音杵○箋曰恒常也○恒解見天保

靖共爾位

共音恭○王氏曰靖靜也

正直是與神之聽之式穀以女

音汝○箋曰式用也

○丘氏曰穀祿穀也○朱氏曰以猶與也

君子仕於亂世凜凜畏罪故悔而思歸然其勢未可  
以去也則惟敬共以聽天命而已故告其同列曰嗟  
爾君子豈可憚於勤勞而欲常安處乎但安靖恭敬  
其職惟正直之道是與則神聽女之所為將用福祿  
與汝矣何憂於禍至哉蓋以已之自處者告其同志  
也此欲去不得而為自寬之辭亦以見君昏政亂君  
子不能自保唯觀神之鑒之耳

嗟爾君子無恒安息靖共爾位好是正直神之聽之介

爾景福

箋曰介助也  
傳曰景大也

小明五章三章章十二句二章章六句

鼓鐘刺幽王也

幽王為流連之樂而不知禍至之無日也

鼓鐘將將

音鉦○疏曰鼓擊也○  
補傳曰將聲之揚也

淮水湯湯

音傷○朱氏曰淮水

出信陽軍桐柏山至楚州連水  
軍入海○釋文曰湯湯流盛貌

憂心且傷淑人君子

箋曰

淑善也

懷允不忘

箋曰允  
信也

古者作樂必先擊鐘所謂金奏也今聞幽王擊鐘將

將然其聲之揚乃在淮水湯湯然流盛之處當時禍變將作曾不覺悟顧遠離京師為從流忘反之樂詩人為之寒心憂而且傷知禍之必不免也傷其國之將亡而思先王德澤之在人故言善人君子我懷思而允信之不忘於心周家以仁厚立國故以善人君子稱其先王且刺王之暴虐也○說者以史無幽王東巡之事遂謂淮水為害幽王作樂而不恤其說亦通然古事亦有不見於史而因經以見者詩即史也

鼓鐘喑喑

音皆○傳曰喑喑猶將將也

淮水潛潛

音諧○蘇氏曰憂潛潛水流也

心且悲淑人君子其德不回

朱氏曰回邪也

今王為流連之樂非德之正也

鼓鐘伐鼗

音高○傳曰鼗大鼓也○疏曰鼗即鼙也古今字異耳○今曰地官鼓人以鼗鼓鼓役事

注云長丈二尺冬官韞人云鼙鼓長尋有四尺韞沉萬反諸家並音運

淮有三洲

疏曰水中可居

曰洲○蘇氏曰言水落而洲見也

憂心且妯

音抽○傳曰抽動也

淑人君子其德

不猶

傳曰猶若也

作樂當淮水之溢至淮水之降而洲見者三言其久



也其流連亦甚矣憂結於心為之妯動念古之善人君子其德不若是也

鼓鐘欽欽

疏曰欽欽亦鐘聲也○錢氏曰聲有節也

鼓瑟鼓琴

瑟琴解見關雎

笙磬

同音

笙解見鹿鳴○詩記曰鹿雅云磬以石為之

以雅以南

蘇氏曰雅二雅也南二南也

以箏不僭

音侵○箏曰箏舞文樂也○疏曰吹箏而舞也○今左手執箏右手秉翟以翟或謂之羽

舞也

○朱氏曰僭亂

先鼓其鐘鐘聲欽欽然有節又鼓瑟與琴又吹其笙擊其石磬琴瑟在堂笙磬在下節奏齊同言其和也

以奏二雅以奏二南以奏籥舞皆不僭亂也言樂非不善而聽之者自憂傷之以哀心感也○鄭氏以雅為萬舞周樂尚武故謂萬舞為雅雅正也今考周樂無雅舞之名毛氏以南為南夷之樂四方之樂不應獨舉南也

鼓鐘四章章五句

楚茨音慈刺幽王也政煩賦重田萊多荒

萊音來○疏曰周禮以田易者

為萊若使時無苛政則所廢年滿亦當墾之今乃興不易之田並不墾種故言多荒也○李氏曰萊者廢田也

地官遂人田百畝萊五十畝

饑饉降喪民卒流亡

疏曰卒盡也

祭祀不饗

故君子思古焉

疏曰信南山言曾孫田之序言不能修成王之業是曾孫為成王矣甫田大田

皆言曾孫則所陳古皆成王也此經無曾孫之言而周之盛王致太平者莫過成王則此思古者亦思成王也

楚茨信南山甫田大田四篇唯楚茨首章二句言當

時所見餘皆全述古事形容其田野修治年穀豐穰

祭祀禮樂之備燕飲威儀之美言之反覆而不厭者

蓋詩人遐想太平之盛田家之樂惆悵羨慕恨不生

乎其時所以傷今而思古也

補傳曰四詩非有序以發之人以為正雅矣

楚楚者茨

錢氏曰楚楚繁鮮貌○箋曰茨蒺藜也○解見柳牆有茨

言抽其棘

抽音廖○

朱氏曰抽謂其條抽發○補傳曰棘荆棘也

自昔何為我蓺黍稷我黍與與

音餘○箋曰與與蕃廡貌○錢氏曰和柔貌

我稷翼翼

錢氏曰翼翼整齊貌○翼翼考見米薇

我倉既盈我庾維億

庾音愈○傳曰露積曰庾○疏曰庾是未入倉周語云野有庾積○

億考見魏伐檀

以為酒食以享以祀以妥以侑

妥拖之上侑音又○傳曰安安

坐也侑勸也○今日以妥謂拜尸使安坐也○疏曰郊特牲云舉尊角詔妥尸注云妥安坐也尸始入舉奠尊

若奠角將祭之尸則詔主人拜安尸使之坐尸即至尊之坐或時不自安則以拜安之是又迎尸使處神坐也

○詩記曰少牢饋食禮尸升筵祝主人皆拜妥尸尸荅拜遂坐尸告飽祝侑曰皇尸未實侑尸又食主人不言

拜脩尸又三飯注祝言而不拜主人不言而拜親踈之宜

以介景福

箋曰介助也

首章傷今思古述古者先成民而後致力於神也詩人感田野荒蕪言今有楚楚然繁鮮之蒺藜與枝條抽發之荆棘者此自昔何為之地乎乃我執種黍稷之地也昔時我所種之黍與與然茂盛所種之稷翼翼然整齊及其收也我倉既盈無所藏之則露積為庾其數至億言其多也成民如此然後致力於神以為酒食以獻享以祭祀以妥尸謂迎尸於室拜而妥

安之使處神坐也以侑尸謂勸皇尸之飽也凡此所以助大福也以昔日豐穰之樂如此而今為茨棘之場是可傷而思也○經有二棘吹彼棘心園有棘酸棗也解見邶凱風此詩以棘配茨及青蠅以棘為樊非彼酸棗也舊不指為何物今按釋草云棗刺棗音策郭璞云草刺鍼也釋云方言凡草木刺人北燕朝鮮之間謂之棗自關而西謂之刺江湘之間謂之棘

濟濟蹌蹌

濟濟之上蹌音鋤○傳曰濟濟蹌蹌言有容也○疏曰曲禮云大夫濟濟士蹌蹌是有容

也祭祀之禮主人自慤而趨其賓客則有容儀  
趨音促○錢氏曰大夫士從君牽牲之容也

絜爾牛

羊以往烝嘗

箋曰冬祭曰烝秋祭曰嘗

或剝或亨

音烹○箋曰有解剝其皮者有煮熟

之者○疏曰天官內饗云凡宗廟之祭祀掌割亨之事  
則解割其肉是內饗也天官亨人云掌供鬲饌以給水

火之齊職外內饗之爨亨爨則

或肆或將

肆音四○傳曰肆陳也

箋曰有肆其骨體於俎者有奉持而進之者○疏曰天

官外饗掌外祭祀之割亨供其脯脩刑臠陳其鬲俎實

之牲體則肆其骨體於俎是外饗也大司徒云祀五帝

奉牛牲羞其肆亨先王亦如之又夏官小子職云掌祭

祀羞羊肆羊穀肉豆則奉持進之是司徒小子之類也

臠音呼刑銅羹也臠大臠所以祭也肆音剔注豚解也

祝祭于枋

枋音緝○曰此正祭之枋在廟內也若釋祭之枋則在廟門外○箋曰孝子不知神之所在

故使祝博求之平生門內之旁待賓客之處○疏曰枋謂廟門也知門內者以正祭之禮不宜出廟門也而郊牲牲云直祭祝於主注云直正也謂薦熟時也祭以熟為正又曰索祭祝於枋注云廟門外曰枋枋對正祭是明日之名禮器云為枋於外以明日之繹故皆在門外與此不同此枋廟門之名其內得有待賓客之處者聘禮公食大夫皆行事於廟其待

祀事孔明

朱氏曰明猶著也

先祖是皇

傳曰皇大也

神保是饗

傳曰保安也○朱氏曰神保鬼神之嘉號楚辭云思

靈保兮賢姱蓋古語也姱音誇叶韻音尸○今日楚辭言神安於賢姱謂附巫身也

孝孫有慶

長樂

劉氏曰孝孫謂天子也○今日序疏云古者謂成王則孔當以孝孫為成王

報以介福

疏曰介大

也萬壽無疆



次章述古人助祭之敬謹而神福之也助祭之臣濟濟蹌蹌然有容儀以從君牽牲乃絜其所祀之牛羊以往為冬烝秋嘗之祭或解剝其皮者或亨煮之者或肆陳其骨體於俎者或奉持而進之者孝子不知神之所在故使祝求之於祊謂廟門內平生待賓客之處也祀禮於是甚明著謂致孝則存致慤則著也夫然故先祖於是美大之神保歆饗之而孝孫有慶矣神報以介大之福萬壽無疆也

執爨踏踏

爨音竄踏音戚韻音迹○傳曰爨饗爨廩爨也○疏曰祭祀之禮饗爨以煮肉廩爨以炊

米少牢云饗爨在門東南北上

為俎孔碩

丘氏曰謂載牲體於俎

或燔或炙

燔音煩炙音隻○箋曰燔燔肉也炙肝炙也燔肉炙肝皆從獻之俎也○疏曰特牲云主

人獻尸賓長以肝從主婦獻尸兄弟以燔從彼燔與此燔同則彼肝與此炙同故云肝炙也燔者火燒之名炙者遠火之稱以難熟

君婦莫莫

音麥○箋曰君婦謂后也○傳曰莫莫言清靜

而敬也○疏曰九嬪贊后薦徹豆籩是后主供籩豆由后能清靜篤敬故能為豆甚多若簡躁不恭則不能也

為豆孔庶

傳曰豆謂內羞庶羞也○疏曰有徹云宰夫羞房中之羞司士羞庶羞注云房中之羞其

籩則換餌粉養其豆則醢食糝食庶羞羊臠豕臠皆有載醢房中之羞內羞也彼大夫賓尸尚有二羞明天子

之正祭有二羞矣天子庶羞百有二十品庶衆多也餌  
音二養音茨酏音移臠音熟臠音曉鄭玄注云羊曰臠  
豕曰臠皆美香之名為賓為客曹氏曰祭終有燕賓之禮不可以不豫備也獻醕交錯

箋曰始主人酌賓為獻賓既酢主人主人禮儀卒度如  
又自飲酌賓曰醕至旅而爵交錯以徧

○箋曰卒盡也○笑語卒獲箋曰古者於旅也語○朱氏曰獲得其宜也神

保是格傳曰格來也報以介福萬壽攸酢傳曰酢報也

三章述祭祀俎豆之盛而神福之也執爨之人跼蹐  
然敬謹其為俎實之牲體甚大或燔其肉或炙其肝  
皆從獻之俎也九嬪贊后薦徹豆籩是后主供籩豆

莫莫然清靜而敬謹故為內羞庶羞之豆甚多既以  
豆獻尸又將與賓客相疇獻皆豫備之也其禮儀盡  
合法度於旅也語其笑語盡得其宜也鬼神來格報  
以多福而又萬壽以報之也○漢藝文志言秦燔滅  
文章顏氏注云燔燒也然則燔是近火燒之如今之  
燒肉火焰所及也此詩或燔無傳瓠葉傳云加火曰  
燔䟽以為加置於火上是燔燒之大雅生民傳云傳  
火曰燔䟽以為加火燒之文雖小異為燔燒一也此

詩或炙無傳瓠葉傳云炕火曰炙䟽以為炕舉也以

物貫之而舉於火上以炙之是炙為遠火也

傳音附炕苦浪

反○詩記曰為俎孔碩謂薦熟也或燔或炙謂從獻也鄭氏以為一事誤矣燔肉與炙肝豈得謂之孔碩乎

我孔熯矣

熯音罕又然之上○說文曰熯乾貌○今曰中谷有推暎其乾矣熯暎同○陳氏曰左傳

云外彊中乾馬勞如是人亦如之久勞而乾竭

式禮莫愆

董氏曰式用也

工祝致告

傳曰

善其事曰工

俎賚孝孫

箋曰俎牲也傳曰賚予也

苾芬孝祀

苾音弼又蒲結反芬音紛

○釋文曰苾芬馨香也

神嗜飲食

嗜音視

卜爾百福

錢氏曰卜前知也○今日天保

君曰如幾如式幾音機○曹氏曰幾者吉之先既齊既

稷疏曰王肅云齊整也○傳曰稷疾也既匡既勅疏曰王肅云匡誠正也○蘇氏曰勅戒也永

錫爾極陳氏曰極中也時萬時億

四章述飲福之事也我祭祀甚勞筋力既竭而用禮

皆無愆過異於踋倚臨祭矣於是工善之祝致神意

以告主人謂致嘏辭也因以所嘏之物徃予之謂飲

福受胙也此由孝孫飲食必芬馨香以之孝敬享祀

故神歆饗爾之飲食予以百種之福使如幾之先見

使如式之有常爾之祭祀既整齊既稷疾既誠正既  
戒勅故錫爾以中其福至於時萬時億之多也不言  
錫福而曰錫極者詩人祝君以福多言致福之本人  
君能建其有極則五福備矣錫云者猶曰天誘其衷

也

疏曰少牢嘏辭云皇尸命工祝承致多福無疆于  
汝孝孫來汝孝孫使汝受祿于天宜稼于田眉壽

萬年勿替引之是大夫之嘏辭也天子嘏辭無  
以言之此永錫爾極時萬時億是其辭之略

禮儀既備鐘鼓既戒

箋曰戒諸在廟中者以祭禮畢  
錢氏曰為尸出當奏肆夏也

孝

孫祖位

箋曰祖位孝孫位  
位堂下西面位也

工祝致告

傳曰告利成也○  
詩記曰少牢注云

利猶養也成畢也言孝子之養禮畢○疏曰特牲告利成即云尸諛祝前主人降少牢祝告利成即云祝入尸諛主人降此二者皆祝告主人以利成是致尸意也孝子之事尸有尊親及賓客之義命當由尊者出諛當從賓客來禮畢義由於尸非主人所當先發諛音縮起也神具醉止箋曰具皆也○疏曰所祭羣廟

非止一神也

皇尸載起

傳曰皇大也○朱氏曰尊稱之也○箋曰載則也

鼓鐘送尸

疏曰鳴鼓鐘以送尸謂奏肆夏也○今日大司樂尸出入奏肆夏

神保聿歸諸宰君婦

廢徹不遲

徹音輟○箋曰廢去也尸出而可徹諸宰徹去諸饌君婦簋豆而已○錢氏曰諸宰膳夫

及其屬也膳夫徹王之胾俎其餘則其屬徹之

諸父兄弟備言燕私

傳曰燕而盡其私恩

五章述祭畢將燕私之事也禮儀既畢備矣鐘鼓既



戒為尸出當奏肆夏預設以待之也以祭禮畢主祭  
孝孫復往堂下西面之位工祝致告利成致尸意言  
養禮畢也所祭羣廟非止一也神皆醉矣皇尸則起  
而歸矣鬼神無形言其醉而歸者誠敬之至如見之  
也鳴鼓鐘以送尸謂奏肆夏也先已戒之至此乃奏  
之尸節神者也神醉而尸謾送尸而神歸諸宰徹去  
諸饌君婦徹去籩豆皆敏疾而不遲不以禮終而惰  
也祭祀畢歸賓客之俎同姓則留與之宴所以尊賓

客親骨肉也

樂具入奏

朱氏曰凡廟之制前廟以奉神後寢以藏衣冠祭於廟而燕於寢故於此將燕而祭時之

樂皆入奏於寢也

以綏後祿

傳曰綏安也

爾殽既將

傳曰將行也

莫怨具

慶既醉既飽小大稽首

稽音啟○箋曰小大猶長幼也○董氏曰稽首謂頭拜至地也

神嗜飲食使君壽考孔惠孔時

箋曰惠順也○時解見魚麗

維其盡

之子子孫孫勿替引之

傳曰替廢也引長也

六章述燕私之事也祭時在廟燕當在寢故言祭時

之樂皆復來入於寢而奏之且於祭既受祿矣故以

燕為安受後祿也爾穀既進與燕之人無有怨者而  
皆歡慶既已醉飽小大長幼稽首曰向者之祭神既  
嗜君之飲食矣是以使君壽考也又言君之祭祀甚  
順於禮甚得其時無所不盡祭統所謂外則盡物內  
則盡志也子子孫孫當不廢替而長行之刺今之廢  
禮也

楚茨六章章十二句

信南山刺幽王也不能脩成王之業疆理天下以奉禹

功故君子思古焉

疏曰言成王能疆界分理天下之田畝使之勤稼以奉行大禹之功而幽

王不能修之非責幽王今奉禹功也○長樂劉氏曰天下之士昔為水之所汨而禹決九川距四海濟畎澮距川暨稷奏庶艱食弼成五服至于五千是田法成於禹稷久矣文武既有天下而周公輔弼成王廣五服為九服推后稷之法以踐禹功遂成畎澮於天下疆理者川自六鄉而距于海路自荒服而達于畿之謂也

楚茨信南山一體之詩楚茨先從傷今說起而後思

古信南山便從思古說起即所以傷今矣

信彼南山

董氏曰終南山也

維禹甸之

甸毛音真鄭音盛○傳曰甸治也○疏曰南山

之傍田野得成平田可種植者本禹治之禹功實天下  
盡然而獨言南山者作者指一處以表之其意通及天  
下也○李氏曰井田之法實見於周而乃以為丘甸之  
法已見於夏后氏之世何也疏云論語說禹盡力乎溝  
洫與匠人井間有溝成間有洫同也蓋稷畎潏澮距川與  
匠人同間有澮專達于川同也是則丘甸之法禹之所  
為左傳云少康有田一成有衆一旅則是十里為成非  
周之賦法也老蘇亦以謂井田之興其始於唐虞之世  
非唐虞之世則周之世無以成唐虞啟之以至夏商之  
世稍稍葺治至周而大備孟子云夏后氏五十而貢殷  
人七十而助周人百畝而徹其實皆什一也以貢助徹  
皆本於什一若非丘甸之法何以能行什一之法也○  
今日李氏據疏辯田制始虞夏是矣疏本申鄭氏丘乘  
之意要之言禹甸治之則平水患理溝洫皆在其中矣  
不必破甸為乘也韓奕亦云  
維禹甸之不專言丘乘矣  
**酌酌原隰**  
上二字從田從  
勻音如雲○傳

曰壘辟貌  
辟音關

曾孫田之

傳曰曾孫成王也○疏曰曾者重也自曾祖以至無窮皆得稱曾孫

○長樂劉氏曰周之後王雖皆可稱曾孫然唯成王為尤盛周家疆理之政考之周官皆至成王而詳備也周人因暴君慢其經界而思其先王疆理之政捨成王其誰哉姑從毛氏以成王能修后稷之政故稱曾孫我

疆我理

曹氏曰疆者正其經界○蘇氏曰理者分其上宜○今考王氏以理為治其非余但緣詩迺疆

迺理之下又言迺宣迺宣為宣道溝洫則理不得為治溝洫矣

南東其畝

傳曰或南或東○成

二年左傳曰先王疆理天下物土之宜而布其利故詩曰我疆我理南東其畝今吾子疆理諸侯而曰盡東其畝而已唯吾子戎車是利無顧土宜無乃非先王之命也乎

首章述成王能奉禹功也禹平治之功不獨終南山

以終南在鎬京之南周人朝夕所見故舉終南言之  
信乎彼南山之野本禹所甸治也禹功人所共推故  
言信確辭也禹功固信矣然井田之制至周始備故  
此原隰之間昀昀然墾闢者又曾孫成王井牧之以  
成田也不稱成王而稱曾孫者周之田制非一世所  
成自后稷以來世世積累至成王而後備故繫之后稷  
而稱曾孫謂能繼后稷之緒也疆之則正其經界理之  
則分其土宜或南其畝或東其畝順地勢及水之所趨

也

上天同雲

釋天曰冬為上天○朱氏曰同雲雲一色也將雪之候如此

雨雪雰雰

音雨

諭雰音芬○今曰雰雰雪下貌

益之以霡霂

音脉木○釋天曰小雨謂之霡霂○李氏曰杜詩云

潤物細無聲亦是小雨也

既優既渥

優音憂渥音握○蘇氏曰瞻卬解曰優多也○今日渥浹洽也

既霑既足

疏曰霑潤也豐足也

生我百穀

次章述天時之和也雪為豐年之兆冬將雪則雲一

色雪乃雰雰而下至春又益之以霡霂之小雨既優

而多既渥而浹既霑而潤既足而豐故得生我之衆



穀也

疆場翼翼

場音亦○傳曰場畔也○錢氏曰翼翼整齊也○翼翼考見采薇

黍稷或或

音育○傳曰或或茂盛貌

曾孫之穡

伐檀傳曰飲之曰穡

以為酒食畀我尸賓

畀音秘○箋曰畀予也○丘氏曰與尸謂獻熟食并酌

齊獻尸是也與賓謂助祭之賓酌齊獻尸尸因酌以酢

賓并祭末燕同姓於燕寢是也此祭始終用酒食之事齊音劑

壽考萬年

三章述秋成祭饗之事也田以井制各有疆界場畔

翼翼然整齊其黍稷或或然茂盛農民喜悅歸恩於

君以為皆吾君之穡謂秋毫皆君賜也以此黍稷為

酒食而祭祀畀我尸與賓則吾君得壽考萬年之福  
此年豐民樂祝頌其君之辭

中田有廬

音間○箋曰田中農人作廬以便其田事○疏曰古者宅在都邑田於外野農時則出而

就田須有廬舍○詩記曰後漢注春秋井田記人受田百畝公田十畝廬舍在內貴人也公田次之重公也私田在外賤私也○丘氏曰公田百畝內除二十畝為八家治田之廬○董氏曰井九百畝其中為公田八家每廬舍二疆場有爪

畝半

共祭祀者故地官場人掌國之場圃

疏曰徧檢書傳未見君子稅民爪以

而植之果藏珍異之物以時斂而藏之凡祭祀賓客共其果藏之屬郊特牲云天子植瓜華不斂藏之種是則天子之瓜自令有司供之

不稅於民藏羅之上聲

是剝是蕕

剝音駁蕕音租○曹氏曰蕕淹菜也

○今日是剝謂以刀剝瓜削治之也是菹謂以瓜為菹淹漬之也獻之皇祖箋曰皇君也皇祖先

也祖曾孫壽考受天之祐音戶

四章形容民和之意也農民於田中作廬以便其田  
事於畔上種瓜瓜新熟願獻於天子俾剝而削治之  
菹而淹漬之以祭祀而獻皇祖令君得壽考之福也  
方其削治未定為菹故言是剝及已淹漬知是菹故  
言是菹天子不賦民瓜此言民喜時物之新不忘君  
上思欲獻之野人美芹之意民和而後神降之福也

祭以清酒

丘氏曰清潔之酒

從以騂牡

騂息營反○傳曰周尚赤也

享于祖

考

疏曰享獻也

執其鸞刀

傳曰刀有鸞者言割中節也○疏曰鸞鈴也刀環有鈴郊特牲云割

刀之用而鸞刀之貴貴其義也聲和而後斷也

以啟其毛

箋曰毛以告純也○疏曰郊特牲云毛血

告幽全之物貴純之道也注云幽謂血也楚語觀射父曰毛以示物韋昭云物色也是毛以告純

取其

血

音聊○箋曰血以告殺腎以升臭○疏曰韋昭云明不因故也腎者腸間脂也以脂膏合之黍稷寘

之蕭乃以火燒之合其馨香之氣是升臭也郊特牲云取脾腎燔燎升首報陽也祭義云卿大夫鸞刀以剗取脾腎則此亦卿大夫也脾音律剗音奎

五章述祭祀割牲之事也祭祀以清潔之酒加以赤

色之牲乃令卿大夫執特其有鈴之刀以開其牲之皮毛以告純也又取其血以告殺取其脂膏以升臭也○清酒二出箋以旱麓清酒既載為三酒之清酒以此詩祭以清酒為非三酒之清酒此詩之清謂玄酒也酒謂鬱鬯五齊三酒也疏謂載則盛之尊中可言三酒之清酒祭神三酒乃諸臣之所酢不用之以獻神故此詩清酒非三酒之清酒要之詩人言清酒皆謂清潔之酒猶鳧鷖言爾酒既清烈祖既載清酤

鄭氏好以禮說詩率多牽強失詩人平易之旨此因祭字而為異說耳○祭義云祭之日君牽牲既入廟中麗于碑卿大夫袒而毛牛尚耳注云麗猶繫也毛牛尚耳以耳毛為上也王氏及長樂劉氏以為王執鸞刀以親殺與祭義異

是烝是享

傳曰烝進也今日烝畀祖妣不必以為烝嘗之烝

苾苾芬芬

苾音弼又蒲結

反祀事孔明先祖是皇

疏曰皇美大之

報以介福

疏曰介大也

萬壽

無疆

末章述祭祀受福也是進是獻苾苾芬芬香氣上達也祀禮於是則甚明著也先祖於是美大之報以大

福而使之萬壽無疆也

李氏曰數詩辭雖不同其意則一皆是言福祿之報本於

祭祀又本於黍稷也張文潛云受莫大之福而其君有安寧壽考之樂此天下之至美極治之際也而其本出於倉廩之盈原隰之治田廬之脩蓋衣食不足於下則禮樂不備於上禮樂廢則亂隨之而起惟田事作而衣食豐衣食豐而禮樂備禮樂備而和平興和平興而人君有安寧壽考之盛此詩人深探其本要其終而言之序如此也此說盡之矣

信南山六章章六句





詩緝卷二十二

欽定四庫全書

經部

詩緝卷二十三

詳校官監察御史

臣孫家賢

通政使司副使

臣莫瞻菴覆勘

總校官進士

臣繆

琪

校對官中書

臣孫

梅

謄錄監生

臣汪

元亮

欽定四庫全書

詩緝卷二十三

宋 嚴粲 撰

甫田之什

小雅

甫田刺幽王也君子傷今而思古焉

疏曰思成王

甫田述徹法興眚秋報春祈及省耕倉箱之事

倬彼甫田

倬音卓○桑柔箋曰倬明大貌○傳曰明貌甫田謂天下田也○今日倬訓明大此詩無

大意故止為明○曹氏曰言其事顯然也○歲取十千

疏曰甫大也甫者廣大言之故為天下田也

今日謂什一也百取十焉萬取千焉

我取其陳

朱氏曰陳舊粟也

食我農人

食音嗣○

今日我農人自我也

自古有年今適南畝

疏曰今成王之時其萬民適南畝之內○南畝

解見七月

或耘或耔

耘音云耔音子○傳曰耘除草也耔雖本也○疏曰前漢食貨志云后稷始耒

田以二耜為耦廣尺深尺曰耒長終晦一晦三耒一夫三百畝而播種於畝中苗葉以上稍耨隴草因隴其土

以附苗根比盛暑壟盡而根深能風與旱故薺薺而盛也附根即此雖本也耒亦作畎晦古畝字也耨鉏也隴

音類謂下之

黍稷薺薺

音擬○朱氏曰薺薺茂盛貌

攸介攸止

王氏曰介

助也止

烝我髦士

傳曰烝進也髦俊也

首章述什一之賦及興亡之事也幽王政繁賦重故

詩人思古者什一之法言先王之時倬然明著於彼  
天下之田每歲百取其十萬取其千而已十者百之  
一千者萬之一其事至顯而幽王不察何也一夫受  
田百畝故少計之則百畝取其十萬者數之盈故多  
計之則萬畝取其千皆什一也上無過取故下有餘  
粟農人皆取其陳舊之粟以自養見農有餘粟自古  
以來歲事常豐也言食我農人者農人自我也農足  
於食故樂於耕今農民皆適南畝或耘以去草或耔

以雖本其黍稷兢兢然茂盛乃介以相助之止以休息之又烝進其髦俊之士也今指成王之時則自古者前乎此矣周之徹法自公劉始世世守之也周自上世以來徹法行而民富頻年屢豐至成王大平極盛之時農民樂業又進其秀民之能為士者民生斯時何其幸耶此羨慕之辭今不然而思故也

詩記曰古者士

出於農而工商不與焉管仲云農之子恒為農野處而不曜其秀民之能為士者必足賴也秀民即詩所謂髦

士也

○毛以為十千言多其說太泛鄭以十千畝為

一成萬畝之稅又啟紛紛之辯什一天下之中正十  
千者謂什一之法猶孟子千取百焉萬取千焉之意  
耳○舊說又以我取其陳食我農人爲上之人取以  
食之此以文害辭也七月采荼薪樗食我農夫豈亦  
上之人復爲農夫采荼薪樗乎二文句法一同皆農  
人自我也古者藏富於民家給人足豈待上之人一  
遺之食耶雖補助之法不廢而不給不足者亦寡  
矣○或以今適南畝爲成王今從箋疏以爲農民第

三章曾孫來止方言成王省耕也其攸介攸止烝我  
髦士若鄉大夫興其賢者能者遂大夫帥其吏而興  
眚皆有司之事也

以我齊明

齊音資○傳曰器實曰齊在器曰盛○疏曰  
器實曰齊指穀體也在器曰盛據已盛於器

也○朱氏曰齊與粢同曲禮云稷  
曰明粢此言齊明便文以協韻耳

與我犧羊

犧音僖○  
箋曰色純

曰以社以方

傳曰社后土也方迎四方氣於郊也○疏  
曰鄭駁異義以為社者五土之神能生萬

物者以古之有大功者配之祭法云共工氏之霸九州  
也其子曰后土能平九州故祀以為社昭二十九年左  
傳云共工氏有子曰句龍為后土后土上官之名也死  
以為社社而祭之故曰句龍為后土後轉為社故世人



謂社為后土后土者地之大名也僖十五年左傳云履后土而戴皇天指謂地為后土也句龍職主土地故謂其官為后土中庸郊社相對郊是天則社是地言迎四方之神於郊者下曲禮云天子祭四方歲徧注云祭四方謂祭五官之神於四郊句芒在東祝融后土在南蓐收在西玄冥在北是也實五官而云四郊者火土俱在南其火土俱祀黎故鄭志答趙商云后土轉為社無復代者故先師之說黎兼之亦因火土位在南又大宗伯注云五祀者五官之神在四郊四時迎五行之氣於郊而祭五德之帝亦食此神焉少昊氏之子曰重為句芒食於木該為蓐收食於金脩及熙為玄冥食於水顓頊氏之子曰黎為祝融后土食於火土是黎兼二祀曲禮言歲徧此祀在秋而并言四方蓋常祀歲徧我田既臧此秋成報功則總祭故并言四方也句音鉤

箋曰臧善也

### 農夫之慶琴瑟擊鼓

箋曰周禮云凡國祈年于田祖歆幽雅擊土鼓以樂

田畯○疏曰春官籥章文也彼注云幽雅七月也杜子春云土鼓以瓦為匡以革為兩面可擊也以御田

祖御音迓○箋曰御迎也○傳曰田祖先畯也○疏曰春官籥章云先畯若神農春官籥章注云田祖始耕

田者謂神農始教造田謂之田祖先為稼穡謂之先畯神其農業謂之神農名殊而實同也以祈甘

雨疏曰以長物則為甘害物則為苦○曹氏曰甘猶美也以介我稷黍箋曰介助也以

穀我士女箋曰穀養也

二章述秋報春祈之事也以我明潔之齋穀與我純色之羊秋祭土神之社與迎四方氣於郊由我田盡善農夫喜慶之故謂民和年豐而後致力於神也至

明年春又以琴瑟及擊土鼓以迎田祖神農而祭之  
以求長物之甘雨以介助我稷黍以穀養我士與女

欲續豐年於無窮也

曾孫來止

箋曰曾孫成王也  
○解見信南山

以其婦子饁彼南畝

饁音  
莖

田畯至喜

畯音俊二句  
解見七月

攘其左右

攘音攘○曹  
氏曰攘却也

嘗其旨

否禾易長畝

易音異○傳曰易治也長畝竟畝也○今  
曰論語云喪與其易也寧戚孟子曰易其

田疇皆終善且有

朱氏曰有  
猶多也

曾孫不怒農夫克敏

傳曰  
敏疾

也

三章述成王親省耕之事也曾孫成王來田畝之時  
農夫務事使其婦子饁饋於南畝之中於是田畯之  
官至而喜之攘却其左右之從者而親為嘗其饁之  
旨否言其上下相親之甚也民盡力於田故其禾易  
治竟畝如一預知其終善且有也成王無所譴怒而  
農夫自敏於田事不待督趣之也

詩記曰此章言省耕之時王者在上

耕者在下田畯往來其間勸勞而撫摩之熙然其若一家也攘其左右嘗其旨否言其相親無間也不曰喜而曰不怒者若不敏於農則怒矣蓋其喜怒哀戚專在於農也洛人稱張全義曰張公他無所好見善

穀大薊則喜  
爾正此意也

曾孫之稼

錢氏曰稼禾也謂未刈時也○今日伐檀傳云種之曰稼歛之曰穡疏云若散則相通此

以稼對庾先言稼後言庾是稼為在田未刈之禾庾為已刈未入倉而露積之禾也箋以稼為有藁之禾且言古之稅法近者納總總謂併禾稼納之今不從○詩如記曰王土所生莫非曾孫之稼鄭氏以稅言陋矣

茨如梁

箋曰茨屋蓋也○朱氏曰茨言密比也○傳曰梁車梁也○疏曰墨子稱茅茨不剪謂以茅覆

屋故箋以茨為屋蓋孟子與梁謂水上橫梁得容車度則高廣者也○錢氏曰橋梁也○今考經有二茨牆有茨楚楚者茨皆為蒺藜此如茨如梁及瞻彼洛矣福祿如茨為蓋屋茅茨非蒺藜也曾孫之庾愈○曰庾露積之如坻如京坻音遲○坻解見秦蒺藜○禾也解見楚茨

定之方中

乃求千斯倉乃求萬斯箱

朱氏曰箱車箱也○解見大東

黍稷稻

梁

黍稷解見王黍離稻梁解見唐鵠羽

農夫之慶

詩記曰執訊獲醜戰士之慶也黍稷稻梁農夫

為天下之美盡在此矣不知其他也報以介福萬壽無

疆

四章述豐年民樂祝君之事也時和年豐禾穀充積

農民喜悅歸恩於君以為皆吾君之稼吾君之庾謂

秋毫皆君賜也未刈之禾曰稼其稼在田由高處視

之則稼在下而見其密故如屋茅由平處視之則稼

在上而見其高故如橋梁若使高處見其踈平處見其低則禾薄收矣露積之禾曰庾其庾在野隨意堆積有平而高者如水中高地之坻有卓絕而高者如高丘之京始言稼則未刈也繼言庾則已刈而未入倉也於是求千倉以貯之求萬車箱以載之此黍稷稻粱無所不有農夫之慶也先治倉而後箱載以輸之故先言倉後言箱也農夫喜慶不忘君恩祝君以福祿壽考也

甫田四章章十句

大田刺幽王也言矜寡不能自存焉

矜音鯨○疏曰序不言思古以楚茨

至此文指相類承上篇而略之也○補傳曰大田疑為省歛而作其間雖及田祖興雨之祝蓋備陳田間之事所謂穡穡秉穗皆省歛以助不給也

大田述耕種以致堅好穡穡以惠寡婦及省歛祭方之事

大田多稼

今曰大田猶甫田謂天下田也○曹氏曰或宜高燥或宜下濕或利先種或利後種

既種既戒

種上聲○疏曰種擇其種也○箋曰月令季冬命農計耦耕事脩耒耜具田器此之謂戒



○朱氏曰戒飭其具也

既備乃事以我覃耜

覃音掩耜音似○傳曰覃利也○耜解見

七月俶載南畝

俶音觸載音再○釋文曰俶始也載事也○南畝解見七月

播厥百穀

既庭且碩

傳曰庭直也○箋曰碩大也○曹氏曰苗生葉以上皆條直而茂大

曾孫是若

箋曰若順也

一章述耕種之事也天下之田廣大其種不一高下

先後各有所宜故冬既擇其種又戒飭其具二者既

已周備乃可以從事於耕至春則以我覃利之耜始

有事於南畝而耕之既耕乃可以播種百穀種既善

器又利耕者致其力種又及其時故其生者既庭直而碩大順曾孫成王之意成王所重在穡事而農民能順其意也○或說既備乃事者備其事也亦通但詩中既順乃宣既登乃依皆二事也

既方既皐

曹之上濁○箋曰方房也謂孚甲始生而未合時也○疏曰謂米外之房米生於中若人之房舍也孚者米外之粟皮甲者以在米外若鎧甲○

今日生民傳一稊二米孚作稊○傳曰實未堅曰皐

既堅既好

今日白未雖已堅實或大風所偃或淫雨所腐或早霜所殺之類則損壞而不好

不稂

不莠

稂即梁二音莠音酉○傳曰稂童梁也莠似苗也○釋文曰童梁草也說文作節禾粟之莠生而不

成者謂之童節也○疏曰仲虺之誥云若苗之有莠若粟之有秕秕似粟莠似苗也秕音匕去其螟

**螣**

去上聲螟螣音冥特○傳曰食心曰螟食葉曰螣○疏曰食禾心為螟言其姦冥冥難知也食木葉者言

假貸無厭故曰螟也螣亦作蠚○陸璣曰及其蝨賊蝨

螟以野蚘而頭不赤螣蝗也野蚘音子方

謀○傳曰食根曰蝨食節曰賊○疏曰食禾根者言其

稅取萬民財貨故云蝨也或說云螻蛄也食禾節言貪

狠故曰賊也舊說螟螣蝨賊一種蟲也如言寇賊姦宄

內外言之耳故捷為文學云此四種蟲皆蝗也螻蛄音

婁姑捷音度○陸璣曰賊似桃

李中蠹蠹赤頭長身而細耳

無害我田穉音稚○說

禾也○今日闕宮植穉菽麥傳云後種曰田祖有神秉

穉疏云後種後熟以其遲晚故幼穉也

**畀炎火**

釋文曰秉執持也畀與也

二章迷穀之生成無害若有神相之也既方而生孚  
甲矣方則未成實既阜而成實矣阜則成實而未堅  
既堅而成熟矣既好而無損壞矣無童梁之稂無似  
苗之莠去其食心之螟食葉之螽食根之蟲食節之  
賊無有害我田中幼穉之禾者此田祖之神持此盡  
燒絕之故無遺種也歸功於神以為若有以相之

有滄萋萋

滄音掩萋音妻○傳曰滄雲興貌○長樂劉氏曰天將降雨則地氣上騰蒸為濕潤滄浸

萬物○朱氏曰萋萋盛貌

興雨祁祁

音岐○傳曰祁祁徐也○箋曰古者陰陽和風雨時其來祁祁

然而不暴疾○王氏曰雲欲盛盛則雨雨欲徐徐則入  
土○今日監本作祁俗本作祈誤也采繁被之祁祁七  
月及出車采繁祁祁韓奕祁祁如雲雨我公田雨音遂  
玄鳥來假祁祁皆作祁有考見七月

及我私

疏曰此雨本主為雨公田耳因遂及我之私田

彼有不穫穉

穫音鑊○長樂劉氏

曰穉謂穗之低小刈穫之所不及者○今日亦以穉禾其熟遲晚未可刈也

此有不斂穧

斂

聲穧音劑○疏曰穧禾之鋪而未束者○長樂劉氏曰穧謂刈而遺忘束縛之所不及者

彼有遺秉

疏曰秉刈禾之把也○長樂劉氏曰秉謂束而輦載之所不及者

此有滯穗

音遂○疏曰滯穗滯

穗也伊寡婦之利

三章述民喜雨之意及豐年惠及矜寡之事也有滄

然而興之雲萋萋然盛所謂天降時雨山川出雲也  
興雨祁祁然安徐而不暴所謂雨不破塊也農民喜  
雨歸功於君謂此雨為雨公田因及我之私田吾民  
皆蒙君之福也及穀熟收刈之時彼處有不獲刈之  
幼禾此處有不收歛之鋪穉彼處有遺餘之秉把此  
處有滯漏之禾穗維寡婦取之以為利耳

長樂劉氏  
曰皆緣豐

稔農夫之力所不能盡取而鰥寡享其遺利○朱氏  
曰此見其豐盛有餘而不盡取又與鰥寡共之蓋既  
足為不費之惠而亦不棄於地也不然則  
粒米狼戾不殆於輕視天物而慢棄之乎

曾孫來止

曹氏曰甫田所言省耕時也大田所言省歛時也

以其婦子饁彼南

畝田畯至喜來方禋祀

禋音因○詩記曰國語內史過云精意以享禋也

以其

騂黑

傳曰騂牛也黑羊豕也○箋曰陽祀用騂牲陰祀用黝牲黝音酉○疏曰毛以方社連文同用太牢

故以黑為羊豕通牛為三牲也地官牧人云陽祀用騂牲陰祀用黝牲陽祀南郊及宗廟陰祀北郊及社稷毛分騂黑為二牲鄭以騂黑為二色故引牧人騂黝以明騂黑為別方之牲耳非謂四方之祭在陽祀陰祀之中也○詩記曰來南方則用騂牲來北方則用黑牲獨舉騂黑者孔氏所謂略舉二方以為韻句是也

與其

黍稷以享以祀以介景福

四章述成王省歛而祭方也曾孫成王來田畝之時

民皆以其婦之與子饁饋於南畝之中田畯之官至而喜之成王所來之方致其禋祀以報農功之成以其或赤或黑之牲與其粢盛以獻以祀神饗之而報以大福也

大田四章二章章八句二章章九句

瞻彼洛矣刺幽王也思古明王能爵命諸侯賞善罰惡焉

瞻彼洛矣

王氏曰洛水東都之所在也○詩記曰職方氏河西曰雍州其浸渭洛故毛傳以洛為宗



周之浸水洛水雖出於京兆上洛西山維水決決音央  
然其流尚微此詩所謂洛蓋指東都也

日決決深廣貌君子至止朱氏曰君子指天子也補傳曰福

禄如茨箋曰茨屋蓋也喻多韎韐有奭與之入字亦作施

○傳曰韎韐茅蒐染草也一日韎韐所以代韞也○曰

茅蒐茜也即茹蘆也解見鄭東門之墀○疏曰韎韐是

蔽膝之衣合韋為之以茅蒐草染之大夫以上祭服謂

之韍士無韍名謂之韎韐玉藻云一命緼韍黻珩則士

亦名韍矣彼注云子男大夫一命以子男大夫故言韍

耳其實士正名韎韐士冠禮爵弁服韎韐不言韍是也

與赤色緼音溫黻音酉○王氏曰周官凡有兵事韋弁

服先儒以為左傳所謂韎韐之跗注是也跗音夫○今

日采芑路以作六師曹氏曰作

車有與而行之也

洛為東都周末東遷之時雖宅鎬京而會諸侯則於東都以四方道里均也詩人瞻洛水之深廣思昔天子至此朝會諸侯其錫予之福祿如屋蓋茅茨之多若國有征伐之事又使服韎韐之飾其色赭然而赤以作六師而行之當是之時朝覲會同四海來假爵賞征伐自天子出何其盛也乃今泱泱之水猶昔也而無向來之盛事矣故傷而思之

瞻彼洛矣維水泱泱君子至止韎韐有珌

韎音丙韐必孔反亦作韎

琕音必○傳曰鞞容刀鞞也琕上飾琕下飾也天子玉琕而琕琕諸侯璽琕而璽琕大夫鐐琕而鐐琕士琕琕而琕琕音遙璽唐之上濁鐐音求玉也鐐音遼鐐音留琕音庚○疏曰鞞刀鞘也說文云琕蜃甲也爾雅云黃金謂之璽其美者謂之鐐即紫磨金也白金美者謂之鐐琕蜃屬而不及於蜃用其甲以飾物鞘音笑刀室也○公劉疏曰桓二年左傳云藻率鞞鞞聲厲游纓昭其數也率音律

君子萬年保其家

室

天子至此東都有容刀以為賜予之物其容刀以鞞盛之其上有琕之飾下有琕之飾天子能寵錫諸侯宜萬年保其國家也

瞻彼洛矣維水泱泱君子至止福祿既同

曹氏曰言受福祿者均也

○今日蓼蕭采菽言萬福攸同與此一也

君子萬年保其家邦

瞻彼洛矣三章章六句

裳裳者華刺幽王也古之仕者世祿小人在位則諂諂

並進棄賢者之類絕功臣之世焉

疏曰古者有世祿復有世位世祿者直食

其先人之祿而不居其位不賢尚當然子若賢則居父位矣○曹氏曰蔡丘之盟士無世官禮稱大夫不世爵

春秋譏世卿自卿大夫以至於士皆不可世所可世者祿而已

裳裳者華

曹氏曰召南云何彼襍矣唐棣之華說文以襍為衣厚貌則所謂裳裳者華亦當如衣裳

之禮厚矣

其葉滑兮

滑須之上○錢氏曰滑猶沃也葉美如沃

我覲之子

覲溝之去○箋

日覲見也○長樂劉氏曰之子謂賢者功臣之子孫也

我心寫兮

寫解見蓼蕭及泉水

我心

寫兮是以有譽處兮

處音杵○譽處解見蓼蕭

興也此詩極言勲賢子孫之美而惜其不用也常棣

以華鄂興兄弟此詩以華葉興家世裳裳禮厚之華

其葉又滑然潤澤華葉上下相承猶賢者前後相繼

而榮顯也我見是勲賢之子孫我心為之輸寫愛其

先人喜其有後也稱是子必有名位蓋為期望之辭

而刺幽王之棄絕也

裳裳者華芸其黃矣

傳曰芸黃盛也○蘇氏曰色之上也○今日老子云夫物芸芸

覲之子維其有章矣

蘇氏曰章文也維其有章矣是以有慶矣

錢氏曰有慶謂君寵錫之○今日王制則有慶

是子文章之美如華之盛宜蒙君之寵錫何為棄絕之乎

裳裳者華或黃或白

丘氏曰取韻便也

我覲之子乘其四駱

音洛

○解見

乘其四駱六轡沃若

解見皇皇者華

是子宜乘駟車六轡沃然榮耀于時何為落莫如此  
乎

左之左之君子宜之

箋曰君子斥其先人也

右之右之君子有之

維其有之是以似之

既稱是子之美因贊其先世今人見有佳子弟必曰  
是其前人所積鍾慶於此也言是子之先君子材全  
德備左之則無所不宜右之則無所不有有謂所蘊  
不竭也惟其所有如此是以子孫肖似之然則幽王

不唯棄材且忘舊德矣

裳裳者華四章章六句

桑扈

音戶

刺幽王也君臣上下動無禮文焉

長樂劉氏曰君臣以言其

朝廷也上下以言其風俗也朝廷風俗之禮而謂之文者尊卑異位也親疎異情也長幼異序也內外異宜也往來異守也動而相交合而相紀莫不成文而中於義理序其品則曰人倫也序其義則曰禮文也朝廷所以綱天下之風俗不可以一日無之也

交交桑扈

箋曰交交往來貌○曰桑扈有二種此色之竊脂者也○解見小宛

有鶯其羽

傳曰鶯然有文章

君子樂胥

今日箋以君子指王者朱氏以為指諸侯今以為泛稱古之君臣○



雨無正箋  
曰胥相也

受天之祐

胡之上濁

此桑扈色之竊脂者交交然飛而往來其羽有文章  
鶯然可愛喻君臣以禮文相接粲然可觀也胥相也  
一不獨立二則為文交際相與禮文行焉而君子樂  
於相與是好禮不倦宜其受天之福也刺幽王君臣  
不然

交交桑扈有鶯其領

傳曰領頸也○長樂劉氏曰領所  
以首出於身者欲有作為未動其

羽而先奮其領文綵  
四張鶯然可愛也

君子樂胥萬邦之屏

音丙○曹氏  
曰屏塞門所

以蔽外也

禮者所以辨上下正紀綱誰敢侮之宜足以屏蔽萬

邦也

曹氏曰魯秉周禮而齊不敢圖何屏如之有禮則安無禮則危秦襄公未能用周禮則無以固

其國

之屏之翰

○傳曰翰翰也○解見文王維周之禎

百辟為憲

○箋曰辟君也○傳曰憲法

也  
不戢不難

戢簪之入○箋曰戢歛也

受福不那

○傳曰那多也○今曰商頌猗與那與

承上文之意言君子能以禮為國屏翰則諸侯皆以

之為法而謹於禮矣使其不自戢歛不自畏難則受

福必不多矣

曹氏曰在泰而不能自戢則放逸而無檢在易而不知思難則輕驕而生患若

是則福不盈皆而禍隨其後矣皆音漬又音劑

兕觥其觶

兕詞之上濁觥音肱觶音求○箋曰兕觥罰爵也○解見卷耳○詩記曰兕觥如卷耳蠱

觥並陳則不必指為罰爵如此詩則指為罰爵也○朱氏曰觥角上曲貌頌作琖

旨酒思柔彼

交匪敖

去聲

萬福來求

今日萬福來求猶淮夷來不言來淮夷古人之語多倒

兕觥所以罰不敬者觶然其角上曲設之所以為酒戒也美酒人所甘過則反亂常思溫克則兕觥設而不用矣彼古人交際之間無所敖慢是來求多福也

言福備於我在反而求之耳

桑扈四章章四句

鴛鴦

音寬

刺幽王也思古明王交於萬物有道自奉養

有節焉

箋曰交於萬物有道謂順其性取之以時不暴天也○呂氏曰自楚茨至鴛鴦八篇皆陳古以

刺今也

鴛鴦于飛

傳曰鴛鴦匹鳥○箋曰言其止則相耦飛則為雙○疏曰必待其長大能飛乃取之不於

幼小而暴天也畢之羅之

疏曰月令云羅罔畢翳注云罔小而柄長謂之畢畢則執以掩物釋器云

鳥罟謂之羅則張以待物

君子萬年

箋曰君子謂明王也

福祿宜之

興之不兼比者也先王之時入澤設罽皆有時殺胎  
覆巢皆有禁合圍掩羣皆所不為故其民漸被仁政  
皆有仁心鴛鴦之鳥待其長大能飛乃執畢以掩之  
有得有不得焉又張羅以網之待其自入皆不盡物  
之意也德及禽獸如此宜其壽考而受福祿也毛氏  
謂之興孔氏謂舉一物以興其餘興之不兼比者也  
長樂劉氏曰苟非禮樂刑政之治于其民而中和浹  
於風俗則仁民恤物之道其能及於是耶是以舟車  
所至人力所通天之所覆地之所載日月所照  
霜露所墜凡有血氣者莫不尊親故曰配天

鴛鴦在梁

詩記曰橋梁魚梁皆是不必專以為石絕水之梁

戢其左翼

戢簪之入○曰

戢翼歛也○白華箋曰歛左翼者謂右掩左也鳥之雌雄不可別者以翼右掩左雄左掩右雌○疏曰舉其雄者而言耳○解頤新語曰或云禽鳥並棲一正一倒戢其左翼以相依於內舒其右翼以防患於外蓋左不用而右君子萬年宜其遐福

竭澤而漁則無魚焚山而狩則無獸畢羅取之不盡故有鴛鴦在於魚梁其雄者歛其左翼以右翼掩之遂其性也

乘馬在廐

乘鄭如字徐去聲廐音敕

摧之秣之

摧音挫秣音末○箋曰摧今莖字○釋文

曰摧芻也  
秣馬穀也

君子萬年福祿艾之

艾音礙○傳  
曰艾養也

天子所乘之馬飼之宜厚今其在廐無事則摧之以芻有事乃秣之以穀不常秣之愛國用也所乘者如此他馬可知

乘馬在廐秣之摧之君子萬年福祿綏之

### 鴛鴦四章章四句

頍弁

頍音跪

諸公刺幽王也

疏曰同姓諸公

暴戾無親不能宴樂

同姓

樂音洛

親睦九族孤危將亡故作是詩也

幽王之時亂亡已迫而不自知族人與國同休戚深  
竊憂之而王踈遠宗族無由進其忠告其族人之尊  
者遂作此詩因王不宴樂同姓藉以為辭而告以禍  
敗之戒非欲王宴樂之也但詩人優柔之辭先從宴  
樂上說來以漸及危亡警懼之意故讀者不覺直謂  
刺不能宴樂同姓而已當是時驪山之禍將作人情  
凜凜不保朝夕幽王方且飲酒無度詩人豈復勸其  
宴樂哉○國風小雅多寓意於言外或意雖形於言



而優柔紆餘讀者不覺也有言古不言時而意在刺

時者

如甫田采菽之類

有言乙不言甲而意在刺甲者

如叔于田

全述叔段之事而實刺鄭莊椒聊全述沃之盛強而實刺晉昭

有首章便見意餘章

變韻成歌者

此類甚多

有前數章皆含蓄而末章乃見意

者

如載驅之類

有首尾全不露本意但中間冷下一二語

使人默會者

如碩人猗嗟之類

有言輕而意重者

如凱風言母氏勞苦

而不言欲嫁

有先從輕處說起漸漸說得重者

如四月憂世亂而先

歎征役之勞類并刺危亡而先說不宴樂同姓

讀詩與他書別唯涵泳浸漬

乃得之

有頰者弁

傳曰頰弁貌皮弁也○說文曰頰舉頭貌○錢氏曰舉首則弁愈高○箋曰禮天子諸侯

朝服以宴天子之朝皮弁以日視朝○疏曰王制云周人冕而祭玄衣而養老注云凡養老人之服皆其時與羣臣燕之服如彼注則天子之燕用玄衣此言皮弁者蓋天子燕服有二燕羣臣用玄冠親同姓用皮弁也賓之初筵三章箋云此祭末王與族人燕而經云側弁之俄是燕同姓用皮弁之事也實維伊何箋曰

實猶是也

爾酒既旨爾殽既嘉

箋曰旨嘉皆美也

豈伊異人兄弟匪

他薦與女蘿

薦音烏蘿音羅○傳曰薦寄生也○疏曰陸璣云薦一名寄生葉似當盧子如覆盆

子赤黑色○曰女蘿今菟絲子也即桑中所謂爰采唐矣○釋草曰唐蒙女蘿女蘿菟絲○陸璣曰毛云松蘿

也今菟絲蔓連草上生黃赤如金今合藥菟絲子也非  
松蘿松蘿自蔓延松上而生與菟絲殊異本草經云為  
為女蘿此古今方俗名草不同也○山陰陸氏曰舊說  
上有菟絲下必有伏菟之根無此菟在下則絲不得生  
乎上然其實不屬也淮南子云下有茯苓上有菟絲又  
云菟絲無根而生蛇無足而行魚無耳而聽蟬無口而  
鳴皆自然也  
施于松柏施音異○疏曰松柏存而茂松柏殞而亡未見君子箋曰君子

斥幽王也

憂心奕奕

音亦○傳曰奕奕然無所薄也○疏曰憂則心遊不定

既見君子

庶幾說懌

音悅亦

天子燕同姓則服皮弁今幽王服其皮弁頽然舉首  
則弁愈高宜何為乎宜燕同姓也酒旨殽嘉非不足

於禮也所與燕者豈異人疏遠者乎皆兄弟至親非  
有他故無嫌疑也何為不行乎薦與女蘿延于松柏  
之上視松柏以為命松柏殞則二草亡矣猶族人依  
託於王亦視王以為存亡也今王踈遠族人使之不  
得親近故我未見王則憂心奕奕然無所薄既見王  
則庶幾喜悅一見之間所繫憂喜如此者以死生  
存亡同之思得効其忠告豈為區區之禮哉

有頍者弁實維何期

音基本亦作其○箋曰何期猶伊何也期辭也

爾酒既旨

爾殷既時

楊氏曰君子之食惟其時物如春則食麥與羊之類○時有考見魚麗

豈伊異

人兄弟具來薦與女蘿施于松上未見君子憂心怲怲

音柄韻亦作丙○傳曰怲怲憂盛滿也

既見君子庶幾有臧

傳曰臧善也

庶幾王之改圖而為善猶庶曰式臧也

有頍者弁實維在首爾酒既旨爾殷既臯

箋曰臯猶多也

豈伊

異人兄弟甥舅

長樂劉氏曰甥舅謂母姑姊妹妻族也

如彼雨雪

雨音諭

先

集維霰

音線○箋曰將大雨雪始必微溫雪自上下遇溫氣而搏謂之霰久而寒勝則大雪矣○疏曰

大戴禮曾子云陽之專氣為霰陰之專氣為雹盛陽之氣在雨水則溫暖為雨陰氣薄而脅之不相入則搏為

電也盛陰之氣在雨水則凝滯而為雪陽氣薄而脅之不相入則消散而下因水而為霰是霰由陽氣所薄而為之○補傳曰霰稷雪也或謂之米雪謂其粒若稷若米然○錢氏曰粒雪也死喪無日喪去聲○

日無有日數○無幾相見樂酒今夕君子維宴  
今日言不久矣

推親親之恩當由兄弟以及甥舅也霰集雪即繼之  
不待遲久喻死亡之兆已見近在旦夕無多日矣上  
二章言族人以未見王為憂既見王為喜其辭猶緩  
也末章言國亡無日族人縱得見王其能幾乎當急  
與族人飲酒相樂於今夕蓋王今維宜宴而已言今

夕謂未保明日之存亡言維宴謂天下之事已無可  
為惟須飲耳其辭甚迫矣所以警告於王者至剴切  
矣族人之情迫切如此豈真望王宴樂之哉○見即  
上二章未見既見之見謂見王也君子即上二章所  
指王也詩記以上二章君子為幽王末章君子為族  
人自相謂非也

頌弁三章章十二句

車牽

音輅

大夫刺幽王也褒姒嫉妬

褒姒解見正月

無道並進讒

巧敗國

敗音拜

德澤不加於民周人思得賢女以配君子

故作是詩也

間關車之牽兮

傳曰間關設牽也○疏曰牽無事則脫行乃設之○錢氏曰間關猶艱難也○

轄之間鎮密故設之難○釋文曰牽車軸頭鐵也○牽解見坤泉水

思變季女逝兮

變音

日變美貌○箋曰逝往也

匪饑匪渴德音來括

音括○傳曰括會也

雖無好友

好去聲

式燕且喜

箋曰式用也○疏曰凡人之燕飲喜樂須賢友共之

大夫言已欲間關然設其牽思得變然美好之少女

以此車往迎之我非饑也非渴也欲得有賢譽之女



來與王會如饑渴耳時褒姒方寵而大夫欲別求淑女以配王則嫉褒姒甚矣凡人得同志相愛之友則飲酒樂甚若迎得此賢女以配王則我心自喜樂雖無同好之友但尋常之人亦可與之燕而喜樂也

依彼平林

傳曰依茂木貌平林林木之在平地者也

有集維鵲

音驕○曰鵲長尾雉也○

疏曰鵲是雉中之別名○陸璣曰微小於翟走而且鳴音鵲鵲然其色如雌雉尾如雉尾而長其頭上有肉冠冠上聚毛長數寸如雄雉尾毛也其肉甚美故林麓山下人語曰四足之美有麋兩足之美有鵲麋者似鹿而小也聚音叢麋音標○山陰陸氏曰辰彼碩女傳曰辰薛綜云雉之健者為鵲尾長六尺

辰彼碩女

傳曰辰時也○

傳曰碩大也

令德來教式燕且譽好爾無射

好去聲射音亦○箋曰射厭也

王后褱衣畫翬翬者雉之五彩成章者也鷩亦雉之一種故以喻后妃言依然茂盛之平林有集止者維鷩雉興王宮之貴宜有賢女居之也當今之時若彼碩大賢女以令德來配君子而教誨之我將燕樂相慶且稱譽之悅慕爾碩女無厭也悅彼所以惡此也幽王昏亂法家拂士之言不見聽矣所信惟婦言故思得賢女教誨之耳

雖無旨酒式飲庶幾雖無嘉穀式食庶幾雖無德與女

音汝○錢氏曰女作詩者相謂也

式歌且舞

若得此賢女以配君子則我不必旨酒嘉穀亦與朋友飲食相樂且相謂曰彼賢女雖無恩德及汝然相與歌舞不能自己也樂賢女如此則惡褒姒甚矣

陟彼高岡

箋曰陟登也

析其柞薪

析音錫柞音鑿○今考釋文於此詩柞獨子洛反音

作也至米菽維柞之枝作兩音云子洛反又音昨至縣柞械拔矣又獨音子洛反止是一木自為參差今皆音鑿昨音同○曰柞櫟也即唐鵠羽所謂翎也解見鵠羽

析其柞薪其葉湑兮

湑湑之上

○疏曰滑茂盛也○錢氏曰滑猶沃也葉如沃

鮮我覲爾

鮮上聲○箋曰鮮善也○錢氏曰希有也

我見若爾者鮮矣

我心寫兮

陳氏曰析薪以興昏姻善乎我得見爾賢女則可輸寫而無憂矣

高山仰止景行行止

上行去聲下行如字○傳曰景大也

四牡騤騤

非音六

轡如琴覲爾新昏以慰我心

此歎淑女之賢也有高山則人瞻望而仰之有景大之德行則人視法而行之賢女如高山景行之可尊仰也故我願具四牡之馬騤騤然行而不息調其六轡如琴聲之相應以往迎此賢女使我見王得此賢

女為新昏則慰我心矣言新昏則外其舊者也

車牽五章章六句

青蠅大夫刺幽王也

營營青蠅

傳曰營營往來貌○歐陽氏曰往來之飛聲○長樂劉氏曰蛆蟲所變而成者青蠅也其

飛之聲則營營然亂人之聽其止於物則穢敗之又從而生蛆復變為蠅其穢敗於物無有紀極也止于

樊

音煩○傳曰樊藩也

豈弟君子

疏曰君子謂王者也

無信讒言

蠅能汙白為黑如讒人之誣讒善類

讒音茂

驅去復還

如小人之易進難退故以取喻焉青蠅集于在外之

樊籬若不必惡之也然其營營往來將入宮室汙几  
席不但止樊而已也喻讒入為亂漸致迫近當防其  
微也惟王者持心樂易無信讒言則小人不可得而  
入矣持心猜忌則讒易入詩記曰前漢昌邑王傳云  
王夢青蠅之矢在西階東  
可五六石以問郎中令遂遂對曰陛下詩不云乎營  
營青蠅止于藩愷悌君子無信讒言陛下左側讒言  
衆多如是青蠅惡  
矣注惡即矢也

營營青蠅止于棘

丘氏曰謂植棘為藩也○今日以讒  
棘為藩謂荆棘之棘解見楚茨

人罔極

罔極解  
見衛氓

交亂四國

李氏曰  
四方也

讒言無有窮極豈特近者不安雖四國之遠亦以交  
亂其禍甚大矣

營營青蠅止于榛

傳曰榛所  
以為藩也

讒人罔極構我二人

箋曰  
構合

也○朱氏曰已  
與聽者為二人

讒人罔極將交亂四國自構合我二人始耳

### 青蠅三章章四句

賓之初筵衛武公刺時也幽王荒廢嬖近小人

嬖音  
薛飲

酒無度天下化之君臣上下沈湎淫液

沈直林反湎音  
免液音亦○疏

日酒誥注云齊色日酒沈酒者飲酒過久若沈沒然使  
酒然俱醉顏色齊同也樂記說樂之遲云詠歎之淫液  
之則淫液遲  
武公既入而作是詩也  
歐陽氏曰詩人之  
久之意也  
作常陳古以刺今

此詩五章其前二章陳古如  
彼其後三章刺時如此也

毛氏以大侯既抗為燕射鄭氏以為大射董氏云崔  
靈恩集注以一章為大射二章為燕射記取之今從

詩記

賓之初筵

箋曰筵席也初即席也○蘇氏曰先王  
將祭必大射以擇士將射必先行燕禮

左右

秩秩

止氏曰謂據筵上左右之  
人○蘇氏曰秩秩有序也

籩豆有楚

曹氏曰楚潔  
也○解見曹



蚺蚺衣

穀核維旅

傳曰穀豆實也○箋曰豆實菹醢也

棠楚楚

酒既和旨飲酒孔偕

箋曰偕齊一也

鐘鼓既設

箋曰鐘鼓於是言既

設者將射改縣也縣音玄○疏曰天子宮懸階間妨射  
位故改懸以避射也鄉射禮將射乃云樂正命弟子贊  
工遷樂于下琴瑟之樂尚遷之明鐘鼓之懸改之矣大  
射不言改懸者諸侯與臣行禮略三面而已不具軒懸  
東西懸在兩階之外兩階之間有二建鼓耳東近  
東階西近西階又無鐘磬不足以妨射不煩改也舉  
醕逸逸朱氏曰舉所奠之醕爵也○曹氏曰逸逸然整而暇  
○箋曰天子諸侯之射皆張三侯故君侯謂之大侯  
將祭而射謂之大射下章言烝衍烈祖其非祭與  
矢斯張射夫既同朱氏曰射夫既同比其耦也○疏曰  
天子大射賓射皆六耦○詩記曰鄉

射禮注云耦比選其材相近者也

獻爾發功

箋曰獻猶奏也各奏爾發矢中的之功

發彼

有的

傳曰的質也○疏曰大射之侯其中制皮為鵠賓射之侯其中采畫為正正大如鵠皆居侯中三分

之一其燕射則侯中畫為獸其中射處皆二尺射義云循聲而發發而不失正鵠者其唯賢者乎詩云發彼有的以祈爾爵則以的為正鵠也司裘注說皮侯之狀云以虎熊豹麋之皮飾其側又方制之以為質謂之鵠是鄭意以侯中所射之處為質也正音征以祈爾爵傳曰祈求也○疏曰射

者所以養老所以養病求中以辭養也大射禮云勝者之子弟洗觶升酌散南面坐奠于豐上勝者皆袒決遂執張弓不勝者皆襲裼決拾却左手右手加弛弓於其上遂執弣勝者先升堂不勝者進北面坐取豐上之觶興少退立卒觶坐奠於豐下觶音志酒器也弣音撫把中中也○曹氏曰求免於罰爵而已

首章述古人將祭大射擇士先行燕禮也賓之初即席也賓主分為左右秩秩然有序遵豆楚而潔淨殷實於豆核實於遵其品甚衆酒既和調而旨美飲酒之人甚偕而齊一矣又設鐘鼓以為樂醕則賓奠爵而不舉至旅乃舉所奠之醕爵旅醕交錯逸逸然整而暇也君侯謂之大侯既抗舉之弓矢又皆張之射夫既同比其耦也各奏其發矢中的之功射不中者飲豐上之觶射者與其耦發矢之時各心競云我發

天中彼正鵠之的以求免爾之罰爵論語所謂揖讓而升下而飲其爭也君子○舊說謂求勝以爵不勝者不若射義求中以辭爵之為寬大也

疏曰毛以此篇為燕射鄭

則為大射射禮有三有大射有賓射有燕射大射者將祭擇士於射宮賓射者謂諸侯來朝與之射於朝燕射者因燕賓客即與射於寢此三者其處不同其侯亦別冬官梓人云張皮侯而棲鵠則春以功張五彩之侯則遠國屬張獸侯則王以息燕三者別文皮侯即大射也五彩之侯賓射也獸侯燕射也春音蠡彼注云作也將祭與羣臣射以作其容體與之事鬼神

籥舞笙鼓

箋曰籥管也○解見簡兮

樂既和奏烝衎烈祖

衎看之去○箋曰烝

進也衍樂也○  
王氏曰烈業也  
以洽百禮  
箋曰洽合也○疏曰百禮事神之衆禮也  
百禮既

至有壬有林

傳曰壬大也○李氏曰林盛也○  
錫爾純

嘏

音假○箋曰純大也嘏謂尸與主人以福

子孫其湛

音耽○曹氏曰宗族皆烈祖之子孫○鹿

鳴傳曰湛樂之久也

其湛曰樂

音洛

各奏爾能賓載手仇

蘇氏曰載則也○董

氏曰仇匹也所謂耦也

室人入又

王氏曰室人主黨也

酌彼康爵

傳曰酒所以安體也

以奏爾時

蘇氏曰薦之以時物也○時物解見類升時有考見魚麗

上章言未祭之燕故擇士而射為大射此章言既祭

之燕故因燕而射為燕射也方祭之初秉籥而為文

舞舞入而笙鼓交作樂聲既和平而具奏進以衍樂其烈祖以會合其事神之衆禮有大謂主祭者指君也有衆謂助祭者指卿大夫及諸侯也君臣皆當神之意於是尸傳嘏辭云賜爾君以大福爾與子孫宜相與湛樂助祭者皆烈祖之子孫湛者樂之久令其從容燕飲也主人既受嘏辭於是相與湛樂而為樂留族人以燕燕而又射各奏其技賓黨射則手敵主黨射則又手敵皆善射也射畢酌彼安爵而薦之以

時物

賓之初筵溫溫其恭其未醉止威儀反反

如字○傳曰反反言重慎

也○蘇氏曰顧禮也

曰既醉止威儀幡幡

音翻儀也

○傳曰幡幡失威儀也○蘇氏曰輕數也

舍其坐遷

舍音捨

屢舞僂僂

王氏曰僂僂軒舉之貌

其未醉止威儀

抑抑

傳曰抑抑慎密也

曰既醉止威儀忼忼

音弼○傳曰忼忼懣懣也

是曰

既醉不知其秩

董氏曰秩秩序也

三章以下陳幽王君臣飲酒則不然賓初升筵尚溫

溫然和柔而恭敬未醉之時威儀猶能反反然重謹

至於既醉幡幡然失威儀舍其本坐遷向他處數數起舞僂僂然軒舉武公疾之又重言之云方其未醉威儀尚抑抑然謹密至於已醉威儀乃忒忒然媒慢是曰既醉昏亂無次不知其秩序矣

賓既醉止載號載呶

號音豪呶音詭○傳曰號號呼也呶謹呶也○疏曰唱呌也

我籩豆屢舞傲傲

音欺○王氏曰傲傲頃側之貌

是曰既醉不知其郵

音尤○箋曰郵過也○朱氏曰郵與尤同

側弁之俄

箋曰側傾也俄頃貌

屢舞傄傄

音

又音嗟○傳曰傄傄不止也

既醉而出並受其福醉而不出是謂伐



德飲酒孔嘉維其令儀

賓既醉而呼號謹叟亂我籩豆之列屢舞僛僛然頃側蓋既醉則不自知其過郵也又傾側其弁而俄俄然不正屢舞僛僛然不止賓既醉而出則可以皆受其福言得禮也醉至若此而不出是自伐其德也飲酒之所以甚美者以其令儀耳今何其不令也

凡此飲酒或醉或否既立之監或佐之史彼醉不臧不醉反恥式勿從謂

朱氏曰謂告也○錢氏曰無俾大怠從謂就人之位而與言也

大音秦

匪言勿言匪由勿語

去聲又如字  
箋曰由從也

由醉之言俾

出童殺

音古○傳曰殺羊不童也○  
箋曰殺羊之性牝牡有角

三爵不識

箋曰獻也酬也

也

矧敢多又

今此飲酒或有醉者或有醒者立之監以正其禮佐  
之史以書其過政欲防失禮者也彼醉者失禮而不  
善乃反以醒者為恥非立監史之意也此醒者遂相  
告以彼人已醉勿就其位而與之言與之言則彼愈  
更號呶是使之大為怠慢也吾等醒者但自持謹所

不當言者勿言所不當從者勿語耳非不欲忠告於  
彼彼醉人不可告語也童羊無角殺未有無角者彼  
醉人之言如使人出童殺以無為有言語無倫如此  
蓋飲至三爵已昏然無所識矣况又多飲何由可與  
語乎

賓之初筵五章章十四句

詩緝卷二十三